

Ժողովուրդ

118
(3327)

17 սեպտեմբերի հինգշաբթի 2026
տպագրության ԺԵ տարի

Ք. Երևան, Արմյան 22ա/3 (0010) + 374 10 546423 info.armlur@gmail.com, info.zhoghovurd@gmail.com

100 դրամ

ԳԵՐՄԱՆԻԱ Է ՄԵԿՆՈՒՄ՝ ՄԲՑԱՆԱԿ ՍՏԱՆԱԼՈՒ



«Ժողովուրդ» օրաթերթի տեղեկություններով՝ Նիկոլ Փաշինյանը սեպտեմբերի 18-ին մեկնելու է Գերմանիա՝ Յեսսենի խաղաղության մրցանակը ստանալու համար: Այցն արդեն պաշտոնապես հաստատված է: Յեսսենի երկրամասի խորհրդարանը հրապարակել է ոչ միայն մրցանակաբաշխության օրը, այլև Փաշինյանի՝ Գերմանիայում նախատեսված ամբողջ օրվա ծրագիրը:

«Ժողովուրդ» օրաթերթի տեղեկություններով՝ Փաշինյանը սեպտեմբերի 18-ին կլինի Վիմբլդենում, որտեղ ժամը 11:00-ին տեղի կունենա Յեսսենի խաղաղության մրցանակի հանձնման հանդիսավոր արարողությունը: Գերմանական կողմի պաշտոնական հաղորդագրության համաձայն՝ մրցանակը վարչապետին կհանձնի Յեսսենի խորհրդարանի նախագահ Աստրիդ Վալմանը, իսկ պարգևատրման խոսքը կասի Գերմանիայի արտաքին գործերի նախարարության պետական նախարար Սերապ Գյուլերը:

Փաշինյանը, ըստ պաշտոնական ծրագրի, մրցանակաբաշխությունից առաջ՝ ժամը 10:45-ին, գրառում կկատարի Յեսսենի խորհրդարանի պատվավոր հյուրերի գրքում: Սրանով նրա այցը չի ավարտվի: ՀՀ ԱԳ նախարար Արարատ Միրզոյանի ուղեկցությամբ նա կմասնակցի մի շարք այլ միջոցառումների:

Մանրամասները՝ ArmLur.am կայքում

2018 թվականին Նիկոլ Փաշինյանն իշխանության եկավ խոսքի ազատության, մարդու իրավունքների պաշտպանության, ժողովրդավարության ու եվրոպական արժեքների մասին բարձրագույն խոստումներով: Քաղաքացին պետք է ազատ խոսեր, ընդդիմախոսը՝ չհետապնդվեր, իշխանությունը՝ հանդուրժեր ամենակոշտ քննադատությունը: Ութ տարի անց այդ խոստումների իրական պատկերը կարելի է տեսնել ընդամենը մեկ մարդու՝ ընդդիմադիր պատգամավոր Էդգար Ղազարյանի շուրջ կատարվող գործընթացներով: Վերջին շաբաթների Ազգային ժողովի նիստերը դիտելիս դժվար է չնկատել՝ Ղազարյանը դարձել է իշխող «Քաղաքացիական պայմանագիր» պատգամավորների հիմնական թիրախներից մեկը: Ով ինչ խոսում է, նախ Էդգար Ղազարյանին հայտարարում է պրոբլեմ, վիրավորում, քննադատում, նսեմացնում, նոր շարունակում: Այսինքն՝ խորհրդարանական մեծամասնության համար ընդդիմադիր պատգամավորի խոսքն արդեն պարզապես քաղաքական բանավեճի մաս չէ: Այն դարձել է խնդիր, եւ բոլորը իրենց պարտքն են համարում ազատվել այդ խնդրից: Իսկ ո՞րն է Էդգար Ղազարյանի «վտանգը»: Նա չունի իշխանական լծակներ, չի ղեկավարում ուժային կառույց, չի տնօրինում պետական ռեսուրս: Նրա հիմնական գործիքը խոսքն է՝ հարցերը, ձեռնարկումները, քննադատությունը եւ ԱԺ ամբիոնը: Կարճ ասած, նա անում է այն, ինչ անում էր ընդդիմադիր պատգամավոր Նիկոլ Փաշինյանը:



Շարունակությունը՝ ArmLur.am կայքում

«Ժողովուրդ» օրաթերթը շարունակում է ներկայացնել դատավորների հայտարարագրած ունեցվածքը: Հաջորդ դատավորը, որի ունեցվածքն ենք ներկայացնում, Վերաքենից քաղաքացիական դատարանի նախագահ Տարոն Նազարյանն է: Մենք համադրել ենք նրա 2021 եւ 2025 թվականների հայտարարագրերը՝ պարզելու, թե այս տարիների ընթացքում ինչ փոփոխություններ են տեղի ունեցել նրա ունեցվածքում, եկամուտներում եւ դրամական միջոցներում: 2021 թվականի սկզբին եւ տարեվերջին Նազարյանի հայտարարագրում առկա է եղել մեկ միավոր անշարժ գույք՝ Երևանի Էրեբունի վարչական շրջանում գտնվող հողամասի վրա կառուցված անհատական բնակելի տուն՝ տնտեսական շինություններով: Գույքը ձեռք է բերվել 2006 թվականի հունվարի 19-ին եւ գտնվում է համատեղ սեփականության ներքո: 2021 թվականի ընթացքում նա նոր անշարժ գույք ձեռք չի բերել եւ առկա գույքն էլ չի օտարել: 2021 թվականի սկզբին դատավորն ունեցել է 2004 թվականի արտադրության Toyota մակնիշի ավտոմեքենա, որը ձեռք է բերել 2020 թվականի սեպտեմբերի 3-ին՝ գնման եղանակով: Սակայն նույն տարվա մայիսի 31-ին Նազարյանը Toyota-ն վաճառել է 8 մլն 400 հազար դրամով: Տարվա ավարտին նրա հայտարարագրում արդեն տրանսպորտային միջոց չի եղել:



Մանրամասները՝ ArmLur.am կայքում

«Ժողովուրդ» օրաթերթի բացառիկ տեղեկությունների համաձայն՝ ԱԺ նախկին նախագահ, ներկայումս արտգործնախարար Արարատ Միրզոյանի նկատմամբ բռնություն գործադրելու գործով 3,5 տարվա ազատազրկման դատապարտված Արա Բադոյանին առաջիկայում կկալանավորեն եւ կտեղափոխեն քրեակատարողական հիմնարկ՝ պատիժը կրելու: Ինչպես ավելի վաղ հայտնել էինք, Վերաքենից քրեական դատարանը մերժել էր ինչպես դատախազության, այնպես էլ պաշտպանական կողմի բողոքները՝ անփոփոխ թողնելով առաջին ատյանի դատարանի՝ Բադոյանին 3,5 տարվա ազատազրկման դատապարտելու որոշումը: Դատախազությունը պահանջել էր առավել խիստ պատիժ սահմանել, իսկ պաշտպանական կողմը՝ մեղմացնել այն: Երկու բողոքներն էլ մերժվել էին: «Ժողովուրդ» օրաթերթի տեղեկություններով՝ Վճռաբեկ դատարանն էլ անփոփոխ է թողել Վերաքենից դատարանի որոշումը: Արդյունքում մինչ այս ազատության մեջ գտնվող Արա Բադոյանին կկալանավորեն եւ կտեղափոխեն քրեակատարողական հիմնարկ: Բադոյանը մեղադրվում է 2020 թվականի նոյեմբերի 9-ի լույս 10-ի գիշերը՝ եռակողմ հայտարարության հրապարակումից հետո Երեւանում տեղի ունեցած իրադարձությունների ժամանակ, Արարատ Միրզոյանի նկատմամբ բռնություն գործադրելու համար:



Շարունակությունը՝ ArmLur.am կայքում

ՀԱՐՑԱԶԳՐՈՒՅՑ

«ՎԵՐՋՆԱԿԱՆ ԳԵԱՐԱՏԱԿԱՆԸ ԿՏԱՆ ԸՆՏՐՈՒԹՅՈՒՆՆԵՐԸ»

ArmLur.am-ը գրուցեց ԱԺ ԲԳ խմբակցության դասգամավոր Նարեկ Ղահրամանյանի հետ Կաղանում ստացվող ՏԻՄ ընտրությունների վերաբերյալ:

- Կապանում նախատեսված են ՏԻՄ ընտրություններ: Տեղեկություններ կան, որ ԲԳ-ն որոշում է կայացրել ցուցակը գլխավորելու հարցում, եւ հնարավոր թեկնածուն Նարեկ Բաբայանն է: Նա որոշակի դեր եւ նշանակություն ունի կուսակցության ներսում, սակայն կա նաեւ տեսակետ, որ Կապանի բնակիչների շրջանում այնքան էլ ճանաչված եւ հեղինակություն վայելող գործիչ չէ: Դուք՝ որպես այնուհետ, ի՞նչ դիրքորոշում ունեք նրա առաջադրման վերաբերյալ:

- Առաջինը՝ կուսակցության որոշումը ես չեմ կայացնում, դա կուսակցության որոշումն է: Երկրորդ՝ կարծում եմ՝ այս հարցում տարբեր կարծիքներ կարող են լինել: Մի հատվածը կարող է դրական գնահատական տալ, մյուս հատվածը՝ այլ կարծիք ունենալ: Վերջնական գնահատականը, կարծում եմ, կտան ընտրությունները:

- Իսկ ընդհանուր առմամբ ի՞նչ կարծիք ունեք Նարեկ Բաբայանի մասին:

- Մի մասը կարող է իրավացի լինել, մյուս մասը՝ ոչ: Ես չեմ կարծում, որ ճիշտ կլինի իմ անձնական կարծիքը ներկայացնել որպես ժողովրդի ընդհանուր կարծիք:

- Բայց Դուք շփումներ ունե՞ք Կապանի բնակիչների հետ: Այդ շփումների ընթացքում չե՞ք լսել, թե ինչ վերաբերմունք ունեն Նարեկ Բաբայանի նկատմամբ:

- Իհարկե, շփումներ ունեմ մարդկանց հետ, բայց այդ շփումների հիման վրա չեմ ուզում ասել՝ այս կամ այն քաղաքական գործչի նկատմամբ ինչ ընդհանուր վերաբերմունք կա: Ես չեմ կարող մարդկանց կարծիքները իմ մեկնաբանությամբ ներկայացնել:

- Որպես օրենսդիր մարմնի ներկայացուցիչ՝ Դուք շփվել եք Նարեկ Բաբայանի հետ, ճանաչում եք նրան: Ի՞նչ դիրք ունի նա Կապանում, եւ ձեր կարծիքով՝ արդյո՞ք արժեք նրա թեկնածությունն առաջադրել:

- Ես Նարեկ Բաբայանին ճանաչում եմ: Մենք կուսակցական ընկերներ ենք ավելի քան տասը տարի: Նա կուսակցության հիմնադիր անդամներից է, ակտիվ գործունեություն է ծավալել եւ ունի իր դերակատարությունը կուսակցության ներ-



սում: Այդ առումով ես նրան բավականին երկար ժամանակ ճանաչում եմ:

- Իսկ ձեր կարծիքով՝ նա ունի՞ բավարար աջակցություն, որպեսզի կարողանա ընտրությունների արդյունքում հաղթանակ ապահովել:

- Մենք ամեն ինչ պետք է անենք, որպեսզի մեր քաղաքական թիմը հաջողություն ունենա: Ընտրությունների արդյունքը, բնականաբար, կախված է քաղաքացիների ընտրությունից:

- Պարոն Ղահրամանյան, այս ժամանակահատվածում Սյունիքի մյուս քաղաքներում եւս սպասվում են համայնքային ընտրություններ: Օրինակ՝ Մեղրիում համայնքապետի ընտրությունների համատեքստում քննարկվում է նաեւ խաչատուր Անդրեասյանի թեկնածությունը: Դուք ճանաչում եք նրան: Ի՞նչ կարծիք ունեք նրա մասին: Կարո՞ղ եք ասել՝ արդյո՞ք նրա գործունեության հետ կապված կոռուպցիոն ռիսկերի մասին տեղեկություններ ունեք:

- Ես դատարանը, քննչական մարմինները կամ դատախազությունը չեմ, որպեսզի նման հարցի վերաբերյալ իրավական գնահատական տամ: Ես խաչատուր Անդրեասյանին ճանաչում եմ եւ կարող եմ ասել միայն այն, ինչի մասին անձամբ պատկերացում ունեմ:

- Իսկ անձնական ճանաչողության շրջանակում ի՞նչ տպավորություն ունեք նրա մասին:

- Իմ ճանաչողության շրջանակում նա ինձ մոտ պարկեշտ եւ Մեղրիի մասին մտածող մարդու տպավորություն է թողել: Կոռուպցիոն գործունեության հետ կապված որեւէ գնահատական չեմ կարող տալ, քանի որ այդ գործընթացի բոլոր հանգամանքներին ամբողջությամբ տեղյակ չեմ: Որոշակի տեղեկություններ, բնականաբար, մամուլից կան, բայց ամբողջական տեղեկատվություն չունեմ:

- Այսինքն՝ ձեր ճանաչողության հիման վրա պատկերացում եք, որ նա կարող էր ներգրավված լինել նման գործունեության մեջ:

- Ես չեմ կարող նման ենթադրություն անել: Մենք շատ մոտեքիմ չենք եղել, պարզապես ճանաչում ենք միմյանց: Բայց իմ առաջին տպավորությունը նրա մասին եղել է որպես պարկեշտ եւ Մեղրիի սիրող մարդու:

- Իսկ հիմա՝ Կապանի ընտրությունների հետ կապված: Տեղեկություններ կան, որ ԲԳ-ն կարող է փոխել թեկնածուի վերաբերյալ իր որոշումը, եւ քննարկվում է նաեւ Սերգեյ Գրիգորյանի անունը: Դուք այս առնչությամբ որեւէ տեղեկություն ունե՞ք:

- Այս պահին Սերգեյ Գրիգորյանի հետ կապված որեւէ նման հայտարարություն կամ որոշում չկա: Հետագայում, իհարկե, կարող են լինել փոփոխություններ կամ նոր որոշումներ, բայց այս պահին նման տեղեկություն չունեմ:

Ջրուցեց՝ ՄՈՆԻ ԳՐԻԳՈՐՅԱՆԸ



ՎԵՐՋՆԱԿԱՆ ՈՐՈՇՈՒՄ ԶԿԱ

ՀԱՅՏԱՐԱՐԱԳԻՐ

ՀԱՅՏԱՐԱՐԵԼ Է ԱՌԱՋԻՆ ՓՈԼԻ ԱՎԱՐՏԻ ՄԱՍԻՆ

Իրանի հետ ԱՄՆ-ի հակամարտությունը կմտնի միանգամայն այլ փուլ առաջիկա երկու ամսվա ընթացքում: «Արմենայրես»-ի փոխանցմամբ՝ այս մասին հայտարարել է ԱՄՆ փոխնախագահ Ջեյ Դի Վենսը:

«Մենք չենք կարող կանխատեսել ապագան, սակայն կարծում եմ, որ (ԱՄՆ) նախագահը ճիշտ է, երբ ասում է, որ այն (խմբ.՝ Իրանի հետ հակամարտությունը) երկու ամսից կմտնի միանգամայն այլ փուլ», - ասել է նա New York Post թերթին տված հարցազրույցում:

Վենսի խոսքով՝ Միացյալ Նահանգներն արդեն իրականացրել է առաջին փուլը, որն Իրանի միջուկային ծրագրի եւ Իսլամական Հանրապետության զինված ուժերի ոչնչացումն էր:

ԱՄՆ փոխնախագահը նշել է, որ երկրորդ փուլը կերաշխավորի, որ Թեհրանը «չկարողանա վերականգնվել եւ փորձել պահպանել գլոբալ կայունության մակարդակը»:

Անցյալ շաբաթ ԱՄՆ նախագահ Դոնալդ Թրամփը հայտարարել էր, որ ԱՄՆ-ի եւ Իրանի միջեւ հակամարտությունը կավարտվի Կոնգրեսի՝ Նոյեմբերին կայանալիք միջանկյալ ընտրություններին իր անմիջապես հետո:

ԱՃԵԼ Է 2,7 ՄԻԼԻԱՐԴ ԳՈՒԱՐՈՎ

ԱՄՆ նախագահ Դոնալդ Թրամփի կարողությունը կազմում է 7 միլիարդ դոլար. դա 2,7 միլիարդ դոլարով ավելի է, քան 2024 թվականի ընտրություններից առաջ: «Արմենայրես»-ի փոխանցմամբ՝ այս մասին հաղորդել է Forbes հանդեսը:

Ըստ պարբերականի՝ սեպտեմբերին թարմացված վերջին գնահատումների համաձայն՝ Թրամփի կարողությունը կազմում է 7 միլիարդ դոլար:

«Նախագահը դարձել մոտավորապես 2,7 միլիարդ դոլարով ավելի հարուստ, քան երբ հաղթանակ տարավ 2024 թվականի ընտրություններում», - նշում է պարբերականը:

Պարբերականի տեղեկատվության համաձայն՝ Միացյալ Նահանգների դեկավարը կարողացել է զգալի գումար վաստակել օտարերկրյա ընկերությունների հետ գործարքների եւ կրիպտոարժույթի հաշվին: Ինչպես նշում է հանդեսը, «ամերիկյան պատմության մեջ ոչ ոք այդքան չի վաստակել քաղաքականությունից»:

Ավելի վաղ CNBC հեռուստաալիքը հայտնել էր, որ Թրամփի ներդրումները Chevron, ConocoPhillips, Exxon Mobil, Kinder Morgan, Marathon Petroleum, Occidental Petroleum, Phillips 66, Valero Energy եւ Williams Companies նավթագազային ընկերություններում թանկացել են միլիոնավոր դոլարներով Իրանի դեմ ռազմական գործողությունների մեկնարկից ի վեր:

Հուլիսին The Washington Post-ը հաղորդել էր, որ 2025 թվականին Թրամփի կարողության աճն աննախադեպ է ԱՄՆ ղեկավարների համար: Ավելի ուշ CNBC-ին տված հարցազրույցում Թրամփը հերքել էր, որ իր կարողության աճը որեւէ կերպ կապված է ԱՄՆ վարչակազմը ղեկավարելու հետ: Նախագահի խոսքով՝ իր բիզնեսն այժմ կառավարում են իր զավակները:

ԴԱՏԱՎՈՐ ԱՆԻ ՄԽԻԹԱՐՅԱՆԻ ՈՒՆԵՑՎԱԾՔԸ

ArmLur.am-ը շարունակում է ուսումնասիրել եւ համոզյալորեն ներկայացնել դատավորների ունեցվածքը:

Այս անգամ մեր ուշադրության կենտրոնում է Վերաքննիչ քաղաքացիական դատարանի դատավոր Անի Մխիթարյանը, որը դատավորի պաշտոնը ստանձնել է 2023 թվականի ապրիլի 9-ին:

Դատավորի 2025 թվականի հայտարարագրի համաձայն՝ Մխիթարյանն ունի 4 միավոր անշարժ գույք: Դրանցից մեկը Երեւանի Կենտրոն վարչական շրջանում գտնվող բնակարան է, որի սեփականության բաժինը կազմում է 1/4-ի 1/3-ը, իսկ մյուս երկուսը՝ Երեւանի Արաբկիր վարչական շրջանում գտնվող ոչ բնակելի տարածք եւ բնակարան են: Չորրորդ գույքը Գյումրիում գտնվող անհատական բնակելի տուն է:

2025 թվականին Անի Մխիթարյանը հայտարարագրել է ընդհանուր 23.7 մլն դրամ եկամուտ, որից 17.2 մլն դրամը ստացել է Բարձրագույն դատական խորհրդի աշխատակազմից՝ Դատական դեպարտամենտից, 2.1 մլն դրամը՝ եկամտային հարկի վերադարձից, 1.2 մլն դրամը՝ գույքի վաճառքից, իսկ մնացած մասը կազմել են վարկերը եւ այլ աշխատանքային եկամուտները:

Դատավորը 2025 թվականի ընթացքում վաճառել է 2008 թվականի Nissan ավտոմեքենան՝ 1.2 մլն դրամով: Տարվա վերջում նրա սեփականության ներքո մնացել է 2016 թվականի Nissan ավտոմեքենան:

Ինչ վերաբերում է դրամական միջոցներին, տարվա վերջում բանկային հաշիվներում Անի Մխիթարյանն ունեցել է ընդհանուր մոտ 1.1 մլն դրամ եւ 8.36 դոլար: Կանխիկ դրամական միջոցները կազմել են 13.5 մլն դրամ եւ 77 հազար դոլար:



Դատավորի հայտարարագրից նաեւ տեղեկանում ենք, որ 2025 թվականի դեկտեմբերի 31-ի դրությամբ նրա վարկային պարտավորությունների ընդհանուր մնացորդը կազմել է 29.6 մլն դրամ: Տարվա ընթացքում վարկերի մարմանն ուղղված վճարումները կազմել են 4 մլն դրամ:

Այսպիսով, դատավորի հայտարարագրում առկա է 4 միավոր անշարժ գույք, տարվա վերջում՝ մեկ ավտոմեքենա, շուրջ 23.7 մլն դրամ եկամուտ, ինչպես նաեւ 13.5 մլն դրամ եւ 77 հազար դոլար կանխիկ միջոցներ:

ՍՈՍԱ ԳՐԻԳՈՐՅԱՆ


ՕՐՎԱ ԽՃԱՆԿԱՐ

ՀԱՎԱՆՈՒԹՅՈՒՆ Է ՏՎ

ԿԱԴՐԱՅԻՆ ՓՈՓՈԽՈՒԹՅՈՒՆՆԵՐ

Ներքին գործերի նախարար Արփինե Մարգարյանի հրամաններով ՆԳ նախարարությունում եւ ենթակա ծառայություններում մայիս-սեպտեմբեր ամիսներին կասարկել են կադրային փոփոխություններ եւ նշանակումներ: Այս մասին հայտնում է նախարարությունը:

Նախարարի հրամաններով, ՆԳ նախարարությունում՝ Արման Գետրոյանը նշանակվել է ՆԳՆ 112 օպերատիվ կառավարման կենտրոնի պետի տեղակալ, Արթուր Սահակյանը նշանակվել է ՆԳՆ 112 օպերատիվ կառավարման կենտրոնի ահազանգերի կառավարման վարչության պետի տեղակալ: ՆԳՆ ոստիկանությունում՝ Անդրեյ Մանուկյանը նշանակվել է Քրեական ոստիկանության գլխավոր վարչության Շիրակի մարզային վարչության պետ, Կահան Յակոբյանը նշանակվել է Քրեական ոստիկանության գլխավոր վարչության Սյունիքի մարզային վարչության պետի տեղակալ, Արթուր Յովհաննիսյանը նշանակվել է Քրեական ոստիկանության գլխավոր վարչության Սյունիքի մարզային վարչության թմրամիջոցների ապօրինի շրջանառության եւ այլ ծանր հանցագործությունների դեմ պայքարի բաժնի պետ, Կարեն Մայիլյանը նշանակվել է Քրեական ոստիկանության գլխավոր վարչության Արարատի մարզային վարչության թմրամիջոցների ապօրինի շրջանառության եւ այլ ծանր հանցագործությունների դեմ պայքարի բաժնի պետ, Գետրոյ Պալյանը նշանակվել է Համայնքային ոստիկանության գլխավոր վարչության Տարոնի բաժնի պետ, Կարեն Արզումանյանը նշանակվել է Համայնքային ոստիկանության գլխավոր վարչության Թումանյանի բաժնի պետ, Արտակ Գուրջանյանը նշանակվել է Համայնքային ոստիկանության գլխավոր վարչության Տաշիրի բաժնի պետ, Արթուր Բաղդասարյանը նշանակվել է Համայնքային ոստիկանության գլխավոր վարչության Վեդիի բաժնի պետ, Վազգեն Թադևոսյանը նշանակվել է Համայնքային ոստիկանության գլխավոր վարչության Կենտրոնական բաժնի պետ, Արտաշես Ալեքսանյանը նշանակվել է Համայնքային ոստիկանության գլխավոր վարչության Նաիրիի բաժնի պետ,



Կարեն Գետրոյանը նշանակվել է Պարեկային ծառայության Երեւան քաղաքի գնդի 2-րդ պարեկային գումարտակի հրամանատար, Արման Խաչատրյանը նշանակվել է Ոստիկանության գվարդիայի Եղեգնաձորի պահպանության բաժնի պետ, Խաչիկ Բախրուդարյանը նշանակվել է Ոստիկանության գվարդիայի Կենտրոնի պահպանության բաժնի պետ, Արտյոմ Ալեքսանյանը նշանակվել է Ոստիկանության գվարդիայի կարեւորագույն նշանակության օբյեկտների պահպանության գնդի 1-ին գումարտակի հրամանատար, Արմեն Դամբարյանը նշանակվել է Ոստիկանության գվարդիայի Մաշտոցի պահպանության բաժնի պետ, Քրեական ոստիկանության գլխավոր վարչության Սյունիքի մարզային վարչության պետ Դավիթ Սուրենյանն ազատվել է Ոստիկանությունում ծառայությունից, Քրեական ոստիկանության գլխավոր վարչության կիբեռնահանցագործությունների դեմ պայքարի վարչության բարձր տեխնոլոգիաների կիրառմամբ կատարվող հափշտակությունների դեմ պայքարի բաժնի պետ Վադիկակ Մինասյանն ազատվել է Ոստիկանությունում ծառայությունից, Քրեական ոստիկանության գլխավոր վարչության ծանր հանցագործությունների դեմ պայքարի վարչության մարդու դեմ

ուղղված հանցագործությունների դեմ պայքարի բաժնի պետ Ռոմանոս Խլղաթյանն ազատվել է պաշտոնից, Համայնքային ոստիկանության գլխավոր վարչության Կոտայքի բաժնի պետ Տիգրան Պողոսյանն ազատվել է պաշտոնից, Համայնքային ոստիկանության գլխավոր վարչության Նաիրիի բաժնի պետ Սուրիկ Ջանիկյանն ազատվել է Ոստիկանությունում ծառայությունից, Համայնքային ոստիկանության գլխավոր վարչության Էրեբունի բաժնի պետ Արմեն Հարությունյանն ազատվել է Ոստիկանությունում ծառայությունից: Ոստիկանության գվարդիայի Մաշտոցի պահպանության բաժնի պետ Ալբերտ Ազատյանն ազատվել է Ոստիկանությունում ծառայությունից, ՆԳՆ փրկարար ծառայությունում՝ Փրկարար ծառայության քաղաքացիական եւ բնակչության պաշտպանության վարչության քաղաքացիական պաշտպանության հարցերով կառավարման մարմինների գործունեության համակարգման բաժնի պետ Էդգար Վաղարշակյանն ազատվել է Փրկարար ծառայությունից: Այլ հրամաններով՝ Համայնքային ոստիկանության տարածքային ստորաբաժանումներում 10 ծառայող նշանակվել է բաժնի պետի տեղակալի պաշտոնի, 3-ն ազատվել են Ոստիկանությունում ծառայությունից, իսկ 1 ծառայող՝ զբաղեցրած պաշտոնից:

ՄԱՐԻԽՈՒՄԱՆ, ԿՈԿԱԻՆ ԵՎ ԽՈՇՈՐ ԳՈՒՄԱՐ

Քրեական ոստիկանության թմրամիջոցների ապօրինի շրջանառության դեմ պայքարի վարչության ծառայողները ստացած հերթական օպերատիվ տվյալը սկսել էին իրացնել դեռեւս օգոստոսի 13-ին: Թմրամիջոց ապօրինի ձեռք բերելու, պահելու եւ իրացնելու կասկածանքով Երեւանի Արշակունյաց պողոտայում ձերբակալել եւ «Նիսան» մակնիշի ավտոմեքենայով հանդերձ Համայնքային ոստիկանության Շենգավիթի բաժնի էին տեղափոխել մայրաքաղաքում բնակվող 35 եւ 38 տարեկան երկու տղամարդու: Նախաձեռնված քրեական վարույթի շրջանակում կատարված խուզարկությամբ նրանց ավտոմեքենայում հայտնաբերվել էր կոկաին տեսակի թմրամիջոցի նմանվող զանգված: Հիմնավորվեց նաեւ քրեական ոստիկանների օպերատիվ տեղեկությունը, որ

տղամարդիկ թմրանյութը ձեռք էին բերել մի կնոջից: Օգոստոսի 19-ին իր շենքի բակում ձերբակալվեց եւ նախաքննական մարմին ներկայացվեց նաեւ կինը: Նույն օրը դատարանի որոշման հիման վրա կատարված խուզարկությամբ կնոջ տանը նույնպես հայտնաբերվեց կոկաինի նմանվող զանգված: Նրան առաջադրվեց մեղադրանք եւ խափանման միջոց կիրառվեց տնային կալանքը: Շարունակելով օպերատիվ-հետախուզական միջոցառումները՝ քրեական ոստիկանները ստացան հավաստի տեղեկություն, որ կինը թմրանյութը ձեռք է բերել Արարատի մարզի Մրգավան գյուղում բնակվող 49-ամյա մի տղամարդուց: Սեպտեմբերի 11-ի երեկոյան, համագործակցելով Կոտայքի մարզի պարեկային ծառայողների հետ, քրեական ոստիկանները Երեւանի Աճառյան փողոցում

<

ՄԱՐԶ

11 ՀԱՍՏԻՔ ԹԱՓՈՒՐ Է

Տավուշի մարզպետի աշխատակազմն ունի 66 աշխատակից՝ մարզպետը, իր տեղակալները, օգնականները, խորհրդականները, իր տեղակալի օգնականները, մարզպետի աշխատակազմի գլխավոր քարտուղարը, վարչությունների պետերը, բաժինների վարիչները, աշխատակազմի գլխավոր, առաջատար մասնագետները եւ այլն: Մարզպետի աշխատակազմի անմիջական ենթակայությամբ ընդամենը 2 ոլորտ է գործում՝ գյուղական պետական բժշկական հիմնարկները՝ ամբուլատորիաներ, բուժկետեր եւ պետական հանրակրթական դպրոցները՝ բացառությամբ ավագ դպրոցների եւ վարժարանների: Ընդ որում՝ 2026թ. սեպտեմբերից հանրակրթական դպրոցների միայն վարչատնտեսական մասն է գտնվում մարզպետի աշխատակազմի ենթակայության ներքո, իսկ ուսումնական մասը ենթակա է ԿԳՄՍ նախարարությանը: Մարզպետի աշխատակազմի հաստիքները շատ ուռճացած են, աշխատակազմում նաեւ բազում թափուր հաստիքներ կան: Տավուշում շատ են կրթված, սակայն համապատասխան աշխատանք չունեցող երիտասարդները, որոնք, հայրենի մարզում աշխատանք չգտնելով, հեռանում են Երեւան կամ արտերկիր: Տավուշի մարզպետ Յայկ Ղալումյանին տեղեկատվական հարցում եմ արել. «Սեպտեմբերի 7-ի դրությամբ Տավուշի մարզպետի աշխատակազմում քանի՞ թափուր հաստիք կա, որո՞նք են այդ հաստիքները, ինչքան է այդ հաստիքների աշխատավարձը, ի՞նչ է արվում այդ հաստիքները համալրելու համար»: Տավուշի մարզպետի աշխատակազմի պատասխանում նշված է. «ՀՀ Տավուշի մարզպետի աշխատակազմում սեպտեմբերի 7-ի դրությամբ առկա է 11 թափուր հաստիք, որից 2-ը մարզպետի խորհրդականի, 2-ը՝ բաժնի պետի, 3-ը՝ գլխավոր մասնագետի, 3-ը՝ ավագ մասնագետի եւ 1-ը՝ մասնագետի: Նշված հաստիքների վարձատրությունը իրականացվում է «Պետական պաշտոններ եւ պետական ծառայության պաշտոններ զբաղեցնող անձանց վարձատրության մասին» Հայաստանի Հանրապետության օրենքով սահմանված կարգով: Թափուր հաստիքները համալրելու նպատակով պարբերաբար տրվում են հայտարարություններ»: Մարզպետի աշխատակազմից չեն հայտնել նաեւ, թե այդ թափուր հաստիքները զբաղեցնելու համար հայտարարությունները որտեղ, ինչ հարթակներում են տեղադրվել, որ մարզի կիրթ, գործազուրկ խավը դրանց տեղյակ չի լինում: Նախկինում էլ, հիմա էլ Տավուշի մարզպետի աշխատակազմում պաշտոնները տրվում են «խնամի-ծանոթ-բարեկամ» սկզբունքով, պատահական մարդկանց մարզպետի աշխատակազմում գործի չեն ընդունում: Բավական է ասել, որ Տավուշի մարզպետի աշխատակազմում միայն Իջեւան համայնքի բնակիչներ են:

ՆՍԱԿՆ ՍՈՐՈՑՅԱՆ

ԸՆՏՐՈՒԹՅՈՒՆՆԵՐ

Ո՞Վ Է ՈՒԶՈՒՄ ՀԱՄԱՅՆՔԱՊԵՏ ԴԱՌՆԱԼ

ArmLur.am-ը ժողովագրավ, որ այս առճակատի հոկտեմբերի 25-ին, ՏԻՄ ընտրություններ կանգնեցվեն նաեւ Արագածոտն: Նախորդ ընտրություններին՝ 2021 թվականին, Արագածի համայնքի ղեկավար էր ընտրվել ԲԳ-ի առաջադրված թեկնածուն՝ Կառլեն Մկրտչյանը: Դրանից առաջ նա վարչապետի որոշմամբ 3 ամսով եղել էր համայնքի ղեկավարի պաշտոնակատարը:

Իսկ քաղաքական ասպարեզում նա հայտնվել է 2018 թվականի հեղափոխությունից հետո, ինչը ակնհայտ երեւում է իր կենսագրությունից, որտեղ նշված է, որ 2019-2020 թվականներին եղել է Արարատի մարզպետի խորհրդականը: Մինչ պաշտոնի նշանակվելը 2008-ից 2009 թվականներին աշխատել է ՀՀ ԱՆ քրեակատարողական հաստատությունում՝ որպես ԲԿՀ ԱԱՀ 2-րդ կարգի մասնագետ: 2009-ից 2011-ը աշխատել է «Սանարե ֆարմ» ՍՊԸ-ում: 2012-2015 թվականներին զբաղվել է ձեռնարկատիրական գործունեությամբ ՌԴ-ում, այնուհետեւ 2016-ից 2019-ը կրկին աշխատել է «Սանարե ֆարմ» ՍՊԸ-ում: Իսկ 2020-ից 2021-ը եղել է «Արտաշատ» ջրաօգտագործողների ընկերության գործադիր տնօրենը:

Մամուլում ժամանակ առ ժամանակ շրջանառվում են Մկրտչյանի պաշտոնավարման առնչվող տարբեր խնդրահարույց դեպքեր, որոնք սկսել են դեռեւս նրա ընտրվելուց առաջ: 2021 թվականի նոյեմբերի 26-ին Yerevan.Today-ը, հղում անելով Մասիսում առաջադրված «Դավիթ Համբարձումյան» ընդդիմադիր դաշինքի ահազանգին, գրել էր, որ ընտրություններից առաջ Մկրտչյանի համար Արբաթում եւ Գեղանիստ համայնքում մարդկանց գումարներ են բաժանվել, ինչպես նաեւ համայնքապետարանի մի շարք աշխատակիցների տրամադրվել էր ընդհանուր 10.8 միլիոն դրամի պարգևավճար: Հրապարակման համաձայն՝ առանձին աշխատակիցների վճարումները հասել էին մինչեւ 600 դոլարին համարժեք գումարի: «Իրավունք» վերոնշյալ հոդվածում նշվում է, որ ըստ իրենց աղբյուրների՝ Մկրտչյանը, «բազմելով համայնքապետի աթոռին, ստանձնելով 39 համայնքի մլրդ. դրամի հասնող բյուջեի ղեկավարությունը, դարձել է ինքնահավան, որոշումներ է կայացնում՝ միայն իր ու մերձավորների շահերից ելնելով»:

2024 թվականի օգոստոսին Factor.am-ը գրել էր, որ Մկրտչյանը 2023 թվականին Արտաշատում հիփոթեքային վարկով երկու հողամաս է ձեռք բերել՝ ընդհանուր 28.8 մլն դրամով: Հրապարակման ուշադրության կենտրոնում, սակայն, ոչ միայն



«TOUR OF ARMENIA»

«ԹԻՄԱՅԻՆ ԱՇԽԱՏԱՆՔԻ ԱՐԴՅՈՒՆՔ Է»

ՀՀ կրթության, գիտության, մշակույթի եւ սպորտի նախարար Ժաննա Անդրեասյանն ընդունել է Սպորտի կառավարման կենտրոնի աշխատակազմին՝ տնօրեն Խորեն Զարգարյանի գլխավորությամբ: Նախարարը շնորհակալություն է հայտնել կենտրոնի անձնակազմին՝ Հայաստանում առաջին անգամ անցկացված «Tour of Armenia» բազմօրյա պրոֆեսիոնալ հեծանվակազմի կազմակերպման եւ անցկացման ուղղությամբ կատարած մեծածավալ աշխատանքի համար: «Մեզ համար սա ամբողջությամբ նոր փորձառություն էր. մեր երկիրը երբեմն չէր անցկացրել միջազգային բազմօրյա հեծանվակազմ. շատ բան պետք էր ընթացքում սովորել, լինել ճկուն եւ օպերատիվ, կարողանալ լուծել նաեւ առաջացող չնախատեսված հարցերը»,- ասել է նախարարը՝ ընդգծելով, որ մրցաշարի հաջող անցկացումը թիմային աշխատանքի արդյունք է: Ժաննա Անդրեասյանի խոսքով՝ Սպորտի կառավարման կենտրոնը ստեղծվել է մոտ երկու տարի առաջ՝ սպորտի ոլորտում մասնագիտացված կառույց ունենալու, ֆեդերացիաների հետ հարաբերություններն ինստիտուցիոնալ դաշտ բերելու եւ կարելու մարզական միջոցառումների կազմակերպումը ստանձնելու նպատակով: Մրցաշարի հաջող կազմակերպումը այս նպատակին միտված արդյունավետ աշխատանք էր: Հիշեցնելով, որ «Tour of Armenia»-ն նախատեսվում է դարձնել ամենամյա՝ նախարարը նշել է, որ փորձի վերլուծությունը կնպաստի հետագա տարիներին մրցաշարի առավել կազմակերպված անցկացմանը:

ԿԳՄՍ նախարարը ընդգծել է՝ մրցաշարի վերաբերյալ ստացված արձագանքները հիմնականում դրական են ինչպես կազմակերպման, այնպես էլ միջոցառման անցկացման տեսանկյունից: Այս համատեքստում նա հիշատակել է միջազգային մի շարք հեղինակավոր հարթակների ուշադրությունն ու անդրադարձը՝ նշելով, որ դրանք Հայաստանի համար ապահովել է նոր տեսանելիություն: Սպորտի կառավարման կենտրոնի տնօրեն Խորեն Զարգարյանն իր հերթին շնորհակալություն է հայտնել նախարարին վստահության եւ աջակցության համար՝ ընդգծելով, որ նախարարության ամբողջ թիմի համագործակցությունն ու արագ արձագանքները հնարավորություն են տվել առավել արդյունավետ որոշումներ կայացնելու: Նրա խոսքով՝ մրցաշարի կազմակերպման մեծ ծանրաբեռնվածության պայմաններում կենտրոնը շարունակել է նաեւ իր ամենօրյա աշխատանքը՝ պահպանելով կապը մարզական ֆեդերացիաների եւ ենթակառուցվածքների հետ: Հանդիպման ընթացքում քննարկվել են նաեւ սպորտի ոլորտում առաջիկա ծրագրերը, կառավարման, թվայնացման, նոր ենթակառուցվածքների ստեղծման եւ սպորտի տնտեսական ներուժի իրացման ուղղությամբ նախատեսվող աշխատանքները: Նշվել է, որ առաջիկայում նախատեսվում է գործարկել սպորտի կառավարման տեղեկատվական համակարգը, որը հնարավորություն կտա թվայնացնել նաեւ ֆեդերացիաների հետ աշխատանքի մի շարք գործընթացներ՝ նպաստելով թափանցիկության, հաշվետվողականության եւ մոնիթորինգի մեխանիզմների զարգացմանը:

ԿՈՆՎԵՐՍ ԲԱՆԿ

ՆՈՐԱՐԱՐ ԼՈՒԾՈՒՄՆԵՐԻՑ ՄԻՆՉԵՎ ԱՐՏԱԳՐՈՒԹՅԱՆ ԸՆԴՀԱՅՆՈՒՄ

2013 թվականին հիմնադրված SAV group ընկերությունն իր գործունեությունը սկսել է մեկ նոդասակով՝ լավագույն արտադրության ոլորտում առաջարկել ժամանակակից եւ արդյունավետ լուծումներ:

Տարիների ընթացքում ուսումնասիրելով շուկայի պահանջներն ու արտադրողների կարիքները՝ ընկերությունը մշակել է սեփական տեխնոլոգիական լուծումները եւ ստեղծել հեղինակային սարքավորումներ, որոնք այսօր պահանջված են շուկայում:

Ընկերության առանձնահատուկ լուծումներից է «Երկուսը մեկում» մոդելը, որի շնորհիվ հնարավոր է դառնում լավաշի եւ հացաբուլկեղենի համաժամանակյա արտադրությունը:

Այս պահին ընկերության մասնագետներն աշխատում են արտադրության արդյունավետության բարձրացմանը միտված նոր նախագծերի իրականացման շուրջ:

Ընկերության զարգացման ծրագրերն իրականացնելու եւ արտադրական հնարավորություններն ընդլայնելու ճանապարհին կարելու դեր է ունեցել ֆինանսական աջակցությունը: Նոր սարքավորումների ձեռքբերման եւ քիզնեսի զարգացման նպատակով SAV group-ն օգտվել է վստահելի գործընկեր Կոնվերս Բանկի Converse SME եւ Converse Leasing ֆինանսավորումներից:



Converse SME-ի շրջանակում ֆինանսավորում է տրամադրվում մինչեւ 250 մլն ՀՀ դրամի/համարժեք արտադրության չափով՝ մինչեւ 180 ամիս մարման ժամկետով:

Converse Leasing-ի շրջանակում ֆինանսավորման չափը մինչեւ 1 մլրդ ՀՀ դրամ/համարժեք արտադրության է, ժամկետը՝ մինչեւ 84 ամիս:

SAV group-ում վստահ են՝ զարգացման հաջորդ փուլերում եւս Կոնվերս Բանկը շարունակելու է հանդես գալ որպես վստահելի գործընկեր՝ աջակցելով ընկերության աճի եւ զարգացման ծրագրերին:

conversebank.am, 010 511 211

Կոնվերս Բանկը վերահսկվում է ՀՀ ԿԲ կողմից

ԳՈՎԱԶԴ

ԱՇԽԱՏԱՆՔԱՅԻՆ ՕՐԵՐԻՆ ԳՈՐԾՈՒՄ Է ՀՈՒՐՋՈՐՅԱՆ

ՄԵՆՔ ԿՄՊԻ ՄԵՑ ՄԵՔ

Երկ-ՈՒՐԻՐՔ

ՇՈՐՁՈՐՅԱՆ

Շաբ-Կիր՝

10:00-22:00

+374 10 71 22 22
+374 10 59 55 55

UNIBANK

Յունիբանկն ընդլայնել է Թեժ հեռախոսակապի կենտրոնի աշխատանքային գրաֆիկը՝ հաճախորդների համար բանկային աջակցությունը դարձնելով ավելի հասանելի: Բանկի Թեժ հեռախոսակապի կենտրոնը երկուշաբթիից ուրբաթ աշխատում է շուրջօրյա, իսկ շաբաթ եւ կիրակի օրերին՝ ժամը 10:00-ից մինչեւ 22:00-ն: Նոր գրաֆիկը հնարավորություն է տալիս հաճախորդներին դիմել Բանկ՝ խորհրդատվություն եւ աջակցություն ստանալու իրենց հարմար ժամին:

Թեժ հեռախոսակապի կենտրոնի աշխատանքային գրաֆիկի ընդլայնումը բանկային սպասարկման հասանելիության եւ որակի բարձրացմանն ուղղված եւս մեկ քայլ է: Յունիբանկը հետեւողականորեն զարգացնում է հեռավար սպասարկման ուղիները՝ հաշվի առնելով հաճախորդների կարիքներն ու դիմումների բնույթը: Այսօր բազմաթիվ բանկային ծառայություններ հասանելի են առցանց շուրջօրյա, ուստի Բանկի համար կարելու է հաճախորդներին անհրաժեշտ խորհր-

դատվություն եւ աջակցություն օպերատիվ ստանալու հնարավորություն ապահովել: Նոր աշխատանքային ռեժիմը հատկապես հարմար է արտերկրում գտնվող եւ այլ ժամային գոտիներում բնակվող հաճախորդների համար:

Յունիբանկի Թեժ հեռախոսակապի կենտրոն կարող եք դիմել +374 10 71 22 22 եւ +374 10 59 55 55 հեռախոսահամարներով:

ՆՎԻՐԵԼ Է ԳՅՈՒՂՏԵԽՆԻԿԱ ԵՎ ԲԵՌՆԱՏԱՐ ՄԵՔԵՆԱՆԵՐ



Սահմանամերձ Տավուշի մարզի Իջեան, Նոյեմբերյան, Բերդ եւ Դիլիջան խոշորացված համայնքներին բարերար Միքայել Վարդանյանը նվիրել է 10 հատ տրակտոր՝ իր հարակից գործիքներով եւ 5 հատ բեռնատար մեքենա:

Նվիրաբերված ամբողջ տեխնիկան կծառայի 4 խոշորացված համայնքների բոլոր 60 գյուղերի ֆերմերային տնտեսություններին: Նոր տեխնիկայի շնորհիվ գյուղացիները ժամանակին կկատարեն հողագործական աշխատանքները, մշակվող ցանքատարածությունները կմեծացնեն եւ կզարգացնեն մարզում գյուղատնտեսությունը:

Ծրագրի իրագործման համար բարերար Միքայել Վարդանյանը տրամադրել է 128 մլն դրամ:

● «Տողովուրդ» օրաթերթում եւ ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՈՐՈՇՈՒՄ

ԴԱՏԱՐԱՆԸ 1 ԵՎՐՈ Է ՓՈԽՐԱՏՈՒՑԵԼ

Քիմ Քարդաշյանին Փարիզի դատարանը 1 եվրո՝ մոտ 1,15 դոլար է փոխհատուցել՝ 2016 թվականի հոկտեմբերին Փարիզի հյուրանոցում սեղի ունեցած զինված կողոպուտի գործով: Այդ ժամանակ նրանից գողացվել էր մոտ 6 միլիոն դոլար արժողությամբ զարդեր, որոնց մեծ մասը մինչ օրս չի հայտնաբերվել:

Associated Press-ին գործով ներգրավված փաստաբանը հայտնել է, որ 1 եվրոյի փոխհատուցումն այն գումարն էր, որը Քարդաշյանն անձամբ պահանջել էր: Նույն չափով փոխհատուցում է ստացել նաև Նրա մանկության ընկերուհի Սիմոն Զարուշը:

Քարդաշյանն ու Զարուշը համատեղ հայտարարությունում նշել են, որ դատարանի որոշումն իրենց համար ոչ թե փոխհատուցման, այլ պատասխանատվության եւ իրենց տուժող ճանաչելու մասին է:

Դատարանը նաև շուրջ 126,472 դոլարի փոխհատուցում է սահմանել նախկին հյուրանոցի աշխատակցի համար, իսկ հյուրանոցին՝ մոտ 57,741 դոլար:

Ինչ էր տեղի ունեցել 2016 թվականին
2016 թվականի հոկտեմբերի 3-ի գիշերը հինգ դիմակավորված տղամարդիկ, որոնցից մի քանիսը ոստիկանների հագուստով էին, ներխուժել էին Քարդաշյանի հյուրանոցային համար: Նրանք գենքի սպառնալիքով կապել ու փակել էին Նրա բերանը, ապա տեղափոխել լոգարան եւ գողացել միլիոնավոր դոլարների զարդեր:



Գողացված իրերի թվում էին Քանյե Ռեյթի նվիրած մոտ 4 միլիոն դոլար արժողությամբ մատանին, Cartier-ի ադամանդե ապարանջաններ, Jacob & Co. վզնոց, Lorraine Schwartz-ի ականջօղեր եւ Rolex ժամացույց:

Քարդաշյանը կարողացել էր ազատվել կապերից եւ հասնել Սիմոն Զարուշի սենյակ, որտեղից նրանք դիմել էին ոստիկանության:

2025 թվականի մայիսին Քարդաշյանը դատավարության ընթացքում ցուցմունք էր տվել՝ նշելով, որ այդ գիշեր «բացարձակապես կարծում էր, որ մահանալու է»:

2017 թվականի հունվարին Ֆրանսիայի իշխանությունները գործով ձերբակալել էին 17 մարդու: Տասը կասկածյալներ հետազայում կանգնել էին դատարանի առաջ: Դատավարության ավարտին ութ մեղադրյալ մեղավոր էր ճանաչվել, իսկ երկուսն արդարացվել էին: Նրանցից ոչ մեկը կրկին բանտ չի վերադարձել, քանի որ դատարանը հաշվի էր առել արդեն կրած կալանքի ժամկետը: Քարդաշյանը հետագայում հայտարարել էր, որ կողոպուտը իր կյանքի ամենասարսափելի փորձառությունն էր եւ երկարատեւ ազդեցություն է թողել իր ու ընտանիքի վրա:

ՄԱՐԶԱԿԱՆ

ՆՈՐ ԳՈՒՅՆԻ ԶԱՐՏ

Ռումինական ֆուտբոլում նոր պատժամիջոց են սահմանել՝ «սեւ քարտ»: Նորարարությունն առաջիմ կփորձարկվի 7-16 տարեկանների պատանեկան առաջնություններում, ինչն ունի իր տրամաբանական բացատրությունը: Բանն այն է, որ նոր քարտը նախատեսված է ոչ թե խաղադաշտում գտնվող ֆուտբոլիստների, այլ նրանց ծնողների համար:

Ռումինիայում հաճախ են դեպքեր գրանցվում, երբ իրենց երեխաների ելույթներին հետետող ծնողները խաղադաշտի անմիջական հարեանությամբ անկարգություններ են հրահրում, իսկ երբեմն նույնիսկ փորձում են ներխուժել խաղադաշտ եւ մրցավարներին ցույց տալ, թե «ինչպես է պետք դատել»:

Յենց նման արտառոց միջադեպերի համար էլ ստեղծվել է «սեւ քարտը»: Այն մրցավարներին օրինական մեխանիզմ էւ լծակ կտրամադրի՝ ազդելու չափազանց էմոցիոնալ եւ ագրեսիվ վարքագիծ դրսևորող ծնողների վրա, գրում է armsport-ը:

ՊԵՏՔ Է ՆՎԱՃԻ

Մադրիդի «Ատլետիկոյի» գլխավոր մարզիչ Դիեգո Սիմեոնեն աջակցել է Լիոնել Մեսսիի թեկնածությանը աշխարհի լավագույն ֆուտբոլիստի կոչման եւ «Ոսկե գնդակի» համար մղվող պայքարում: «Լիոնել Մեսսին պետք է նվաճի «Ոսկե գնդակը»: Այստեղ որեւէ կասկած չկա, որ Լիոնել Մեսսին առաջնությունից հետո, որը նա անցկացրեց նման տարիքում, այլևս ոչ մի կասկած չի մնա:

ցել: Մեսսին պետք է ստանա այդ մրցանակը», - ըստ armsport-ի՝ արգենտինացի մասնագետի խոսքերն է մեջբերում The Touchline-ը: Նշենք, որ Լիոնել Մեսսին արդեն իսկ նվաճել է ութ «Ոսկե գնդակ», ինչը բացարձակ ռեկորդ է ֆուտբոլի պատմության մեջ: Այս ցուցանիշով երկրորդ տեղում է պորտուգալացի հարձակվող Կրիշտիանու Ռոնալդուն, որը հեղինակավոր մրցանակին արժանացել է հինգ անգամ: Յիշեցնենք, որ այս տարի «Ոսկե գնդակի» հանձնման հանդիսավոր արարողությունը կկայանա ոչ թե Փարիզում, այլ Լոնդոնում: Միջոցառումը նախատեսված է հոկտեմբերի 26-ին:

ԽՈՇՈՐ ԱՌԱՋԱՐԿ

Կատալոնական «Բարսելոնայի» հարձակվողական ոճի կիսապաշտպան Ֆերմին Լոպեսը հայտնվել է Լոնդոնի «Արսենալի» ուշադրության կենտրոնում: Այս մասին հա



ԿԱՐԳ

ՀԱՐՑ. Ի՞նչ անել, եթե աշխատվածք ես/կամ այլ եկամուսնեւն արգելադրվել են ամբողջությամբ:

Սրբուհի Միսկյան,
57 տարեկան



ՊԱՏԱՍԽԱՆ. Հնարավոր է, որ պարտապանի բանկային հաշիվների վրա արգելանք դնելիս հարկադիր կատարողը տեղեկություն չունենա՝ արդյոք այդ հաշիվներով պարտապանն աշխատավարձ կամ այլ եկամուտներ ստանում է, թե ոչ: Ուստի, եթե քաղաքացու աշխատավարձը կամ այլ եկամուտներն արգելադրվել են ամբողջությամբ, ապա դրանց վրա կիրառված արգելանքը լրիվ կամ մասնակի վերացնելու համար անհրաժեշտ է հարկադիր կատարողին ներկայացնել գործատուի կողմից (կամ այլ եկամուտ վճարողից) տրամադրված տեղեկանք, որտեղ պետք է նշված լինի նաեւ աշխատավարձի (եկամտի) չափը, բանկը, որի միջոցով ստանում է աշխատավարձը (եկամուտը), եւ գործատուի կամ այլ եկամուտ վճարողի այն հաշվեհամարը, որից փոխանցվում է աշխատավարձը կամ այլ եկամուտը:

Հարկադիր կատարումն
ապահովող ծառայություն

ՀԱՍԱՐԱԿՈՒԹՅՈՒՆ

ՀԱՐՑ. Արդյո՞ք առանց առերես շփման բոլոր գործարհները կամ գործարար հարաբերությունները դեմ է դիտարկվեն որդես բարձր ռիսկային:

Աշոտ Կիրակոսյան,
45 տարեկան



ՊԱՏԱՍԽԱՆ. Այո: Փողերի վաճման եւ ահաբեկչության ֆինանսավորման դեմ պայքարի ոլորտում ֆինանսական հաստատությունների համար սահմանվող նվազագույն պահանջների վերաբերյալ կանոնակարգի 22-րդ կետի համաձայն՝ առանց առերես շփման գործարար հարաբերությունների հաստատումը կամ միանգամյա գործարքի կնքումը դիտարկվում է որպես բարձր ռիսկային, իսկ կանոնակարգի 2-րդ կետով նախատեսված են այն նվազագույն լրացուցիչ միջոցառումները, որոնք պետք է իրականացնեն ֆինանսական հաստատությունները առանց առերես շփման գործարար հարաբերություններ հաստատելիս կամ միանգամյա գործարք կնքելիս:

ՀՀ ԿԲ

ԼՈՒՐ ԿԱԴՐ

Լուսանկարը՝ Գագիկ Շամշյանի



Գեղարքունիքի մարզում՝ Սարալանջում, 33-ամյա վարորդը «Բելառուս» տրակտորով գյուղատնտեսական աշխատանքներ կատարելիս կորցրել է կառավարումը եւ կողաշրջվել:

ԲԱԺԱՆՈՐԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Հայփոստ» ՊԺԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-53-01

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրության (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետեւյալ բլանկը:
Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

ԵՂԱՆԱԿԻ ՏԵՍՈՒԹՅՈՒՆ



☾	Շիրակ	+ 6 + 11 + 24 + 29
☾	Կոտայքի լեռներ	+ 7 + 11 + 24 + 27
☾	Կոտայքի նախալեռներ	+ 15 + 17 + 30 + 32
☾	Գեղարքունիք	+ 6 + 11 + 24 + 28
☾	Լոռի	+ 7 + 12 + 24 + 28
☾	Տավուշ	+ 8 + 12 + 25 + 28
☾	Արագածոտնի լեռներ	+ 6 + 10 + 23 + 27
☾	Արագածոտնի նախալեռներ	+ 13 + 17 + 30 + 34

☾	Արարատ	+ 13 + 17 + 32 + 34
☾	Արմավիր	+ 11 + 16 + 32 + 34
☾	Վայոց ձորի լեռներ	+ 6 + 10 + 24 + 27
☾	Վայոց ձորի նախալեռներ	+ 13 + 17 + 31 + 34
☾	Սյունիքի լեռներ	+ 6 + 10 + 22 + 26
☾	Սյունիքի նախալեռներ	+ 8 + 12 + 27 + 30
☾	Սյունիքի հովիտներ	+ 14 + 18 + 33 + 35
☾	Երեւան	+ 17 + 19 + 33 + 35

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 16.09.2026
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ
չեն վերադարձվում, Գ նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետեւյալ նախադասությունը. «Շարունակությունը կարող էք կարդալ
«Ժողովուրդ» օրաթերթի այսօրվա համարում»: